



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学校名称 : 宣道会陈朱素华纪念中学
Name of School : CHRISTIAN ALLIANCE S W CHAN MEMORIAL COLLEGE
剧名 Name of Play : 此处徘徊
剧作者 Script writer : 陈得玮

故事大纲 Synopsis :

我们总有自己想成就的事、为人。然而没像中那么勇敢前行，是希望得到肯定，害怕别人批评。在感到有心无力时除了进退之间徘徊还可以…？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场 《准备》

(凌晨一点 / 陈丽琦的房间)

(台上分作两个灯区：台右是一间完整的课室，台左是一个小小的「电筒空间」在这个空间可以见到主角们的内心世界，这个空间在第一场是陈丽琦的房间，书枱上有一盏灯，一张纸，一支笔和一部电话。)

群众们： 滴答。滴答。(群众用手指模仿人形，在另一只手上原步走)

群众A： 依家系凌晨一点，6A班既陈丽琦喺到筹备紧班会主席既参选政纲。

群众B： 全屋人瞓晒，得佢一个仍然开着枱灯，努力工作，(开电筒照手)佢希望听日被见到既就系自己。

陈丽琦： (拿着电话语音输入) 团购历史博物馆票价。

群众C： (声音模仿SIRI / AI) 30位同学连导赏团\$350 一个钟

(陈丽琦mark 低票价)

陈丽琦： (语音输入) 旅游巴公司booking

群众D： (模仿SIRI / AI) 永星公司，价钱相宜，司机有责任心。安全。

(陈丽琦mark 低价钱，各项预约条目。)

宝叔(VO)： HELLO，我系宝悦书局负责人，你叫我宝叔得啱啦。

陈丽琦(VO)： 你好呀，宝叔。我之前打过嚟问过架喇。我地班有成30 几人，高form 成日要用笔嘍，有冇得满50 蚊八折呀？

群众F： 佢一紧张,就会弯起个身,手脚都会开始缩埋一嚟。

群众A 因为佢想比返啲安全感自己。

陈丽琦：(VO) 你放心啦，我地系文科班嚟嘍.....一个月不停写论文差唔多要用成10支笔芯嘍。系嘍，每人10支。咁...如果OK嘅，我听日拎啲卡俾你睇睇丫。

群众D： 其实佢个脑快过把口，但系因为怕讲错说话。

群众C： 所以讲野既节奏都会乱咗，时快时慢，内容时短时长。

群众F： 呼吸都会变得急速，心跳都会加快，因为佢唔知对方念紧乜，亦都好怕对方念既野同佢唔一样。

群众D： 开学拣位，佢会想坐最侧边。

群众A： 分组做野，佢宁愿等班主任安排。

群众B： 上堂答问题，佢唔敢主动举手。

群众E： 今年选班会主席，佢想试下争取一个改变既机会。

(陈丽琦草拟福利项目，继续努力地撰写政纲)

群众： 滴答。滴答。(群众用手指模仿人形。出)

(灯暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场 《选举》

(早上08:30 的课室)

(陈丽琦拿着昨晚所用的 FILE)

陈丽琦 我既候选主席政纲系：第一，希望同学可以寓学习于娱乐，所以活动方面，会有香港历史博物馆导赏，除左玩乐之外，仲可以帮助读紧history 既大家有所得益，用一个轻松既方式去学习，价钱都相当实惠.....

(陈丽琦暂停了说话，一幅难为情的样子)

(众同学根本没有留心聆听陈丽琦的政纲)

(王颂文亦只管自己的练习和进食 supplement)

陈丽琦： 大家点睇呀？

(众同学陷入沉静，互相对视，没有意欲回应)

(男同学 B 瞞着)

Yanny: (拍男同学 B 枱) 尊重啦！

Jimmy: (弹起身) 吓，讲到去边呀？

(众同学耻笑，陈丽琦亦知道 Jassica 其实在讽刺自己)

陈丽琦： 因为见大家都就快考 DSE，但又唔想啲活动得个「玩」字，如果大家有意见真系可以提出架！

(众同学再度陷入沉静，互相对视)

(陈丽琦望一望班主任，班主任也正在忙于点名，没有留心聆听)

陈丽琦： 叶 sir ~你觉得点呀？

(叶 sir 没有反应)

陈丽琦： 叶 sir?

(叶 sir 回过神来)

叶 sir: 你讲完噏？

陈丽琦： (尴尬)....未呀！

叶 sir: 唔好意思，啱啱点紧名，你继续啦。

陈丽琦： (深呼吸) 至于福利方面，宝悦书局嗰边比我地班优惠，买满 50 蚊有八折，我都攞左大家既学生相，整理卡比同学，以免其他班既同学乱用我比班既优惠，同学可以传啲卡落去。

(全班同学面容诧异地传卡)

(全班沉默下来)

(唯独王颂文在看着卡点点头，肯定丽琦的工作)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

陈丽琦：……大致上系咁。

叶 sir：唔该丽琦。仲有冇同学都 ready 左政纲？

女同学 B：张晞文啦！

张晞文：(细声地) 玩野呀？

女同学 B：出去啦！佢都得，你唔得？

(女同学们偷笑，张晞文硬着头皮出去，陈丽琦站到 Mr Yip 旁)

(张晞文站着思索了数秒)

张晞文 | Er……大家可以 follow 「heyyan_fashion」，heyyan 系(把英文串出来) hey，我家姐既 IG Shop，男女装既衫都有架，嚟紧仲会有实体店添。我叫家姐比个 discount 比大家呀！

(众同学哗然，惊叹陈丽琦的人脉)

(众同学和老师均无视陈丽琦)

叶 sir：活动方面呢？

张晞文：em……我家姐都有朋友系开密室逃脱既，不如试后活动去玩下放松下呀。啲解谜都益智既，要用脑架。放心，free 既，唔洗大家比钱！

(众同学欢呼)

叶 sir：嗯，晞文呢个提议唔错。呀！咁晞文你有冇话想邀请某啲同学参与你既团队？

(众同学都很热情举手，唯独王颂文没有反应)

张晞文：我识念唔识做架咋（见到唯独王颂文没有举手）喂，王颂文～有冇兴趣帮手做副主席呀？大家都有份架喎！依家差个学霸帮大家 plan 野咋喎～

王颂文：唔啦。我近期都好忙，其实你自己一个搞掂都得啦，横掂你有你家姐帮手。(继续低头温习)

(众同学感到有点尴尬)

叶 sir：嗯～团队既成员可以从详计议，可以过多几日先交list 比我，不如我地投票选左主席先？